

305/2
LEB ACOLI
Paper 2
2 ½ Hours



UGANDA NATIONAL EXAMINATIONS BOARD

Uganda Certificate of Education

LEB ACOLI

Karatac me Aryo
Kwan ki Tekwaro

Cawa Aryo ki Nucu

NGEC BOT LAGAM PENY:

*Karatac man tye dul **adek**; Dul A, B ki C.*

*Gam lapeny **ducu** ma i dul A ki B.*

*Pi dul C gam lapeny acel keken; 3(a) **onyo** 3(b).*

*Gam lapeny **adek** keken i karatac man.*

*Pe kibingolo lagam me lapeny ma kato **adek**.*

Coo lagam me peny weng i buk coc ma kimiyo.

DUL A KWAN

1. *Kwan coc ma pinynyi ka igam lapeny ma lubu.*

Cam aye gin ma dano kwo kwede dok myero dano gutii pire kare ducu. Pe nen ber pi dano mo me kwero tic kun i dog cam en camo madok loyo jo ma gitiyo matek. Dong wek cam obed tye i ot moni pi nino ducu, myero ngat acelacel omak tic matek. Kadi bed cam pire tek pi kwowa, cam mukato kare woko bene rac kadi ni in itiyo matek. Pe meno keken, luwac kom pol kare giwanyo cam, ento myero wangee ni wany cam rac ma ka pe itutte me jukune, weko ibedo lakwo. Miti cam ma cwali ka yenyone i kit yoo mo keken balo lutino awobe. Mukene weko anyira gidoko malayi. Miti pi jami mo keken mukato kare woko, ma pe ngat moni tutte me jukune, bene twero cwalle i too pi oyot.

Gin ma dong mitte ki botwa aye me juku miti jami ma cwalowa ka kwo, yak ki bedo malayi. Man aye miti ma kelo too ikomwa pi oyot kadi wa i pacowa bene. I ot acelacel daa, yet, lweny ki judu dog balo mar ki ribbe ma weko ot pe cung matek. Wackom bene kelo kec i ot moni ma motmot tero dano i too. Ngut pi bal, tic matek ki kwayo kica ka dano obalo aye yoo me roco mar ki ribbe kacel ikinwa odoco.

Pi man, myero kare ducu kilweny matek ikom wackom, bwami, tic ki yadi maracu, mato taa ki jai ma miyo dano gidoko lukwo ki lupoya. Kit mat mo keken ma balo kwo pa awobe ki anyira pe mitte i kwo pa bulu. Mat ma kit meno weko tic pa bulu mukene dong bedo me balo jami pa jo mukene, pe dong bedo me tiyo tic me yubu jami ma i paccigi wek obed maber. Man weko bene pe giketo cwinygi ka tiyo tic ma yubugi pi kwo me anyim. Bedo labongo yubbe pi kwo me anyim rac pien nyayo can amita i kwowa pi kare ducu.

Kadi bed watiyo matek pi jwikko can, mitte bene ni myero jami ma watye kwede, wanen ni wakonyo ki jo mukene pien ikin lwak nino ducu nongo tye iye lucan, lugoro, mon-too ki lutino kic wa ki jo ma piny oloyogi ma gikwo i cing jo ma gwokogi.

Kiyubu ki buk: *Ngini – Ngini Coka* **Sebastian Newman Odongo**

Lapeny:

- (a) Ma lubbe ki coc ma maloni nyut yoo aryo me jukku tim gero ikin pacci.
- (b) Ma lubbe ki coc ma ikwanoni, tit kit dano aryo ma omyero kikonygi ikin pacci.

- (c) Itye ki omeru matidi ma kome wac pe mito kemme ki tic kare ducu. Ma calo latin madit i pacowu, nywak ki omero yoo adek ma oweko tic pire tek i kwo pa dano ma lubbe ki coc ma ikwanoni.
- (d) Wod pa omeru odonyo woko i tim me tic ki yadi i yoo marac. Ma lubbe ki coc ma ikwanoni, nywak kwede adwogi adek ma tic ki yat i yoo marac kelo i kwowa.

DUL B JWIKO LOK

2. *Kwan coc ma pinynyi ka igam lapeny ma lubu.*

Mato taa ikin dano obedo tic ma dano mogo maro timone kare ducu. Lapeny ma dong tye ni: nga ma timo tic man, ki kitimo ki kwene? Kadi bed ni dano mapol gipenyoo wii-gi ikom tim man; ki tung bota, awaco ni man obedo tim ma pe opore ikin lwak.

Me acel, mato taa kelo two ikom dano. Ludiro i kwed gutyeko niang ni two adunu mako dano calo adwogi me mato taa. Adwogi kwed man omyero pe gicaa pi mitti me mato taa. Pi man dwon lwak mito awora labongo apokapoka irwom pa ngat acelacel.

Me aryo, ka imato taa pi kare malac, doko gin komi woko ma nongo ni omyero pe ikeng pi wang cawa mo manok. Pi man tekki ngat mo ocalo mato taa, wekone tek tutwal. Mato taa romo bedo atyer, onyo ma ngat ma peke ka matone atyer ywayo yito taa pa ngat matye ka matone atyer ni.

Kit tim man omyero kijwa woko. Bunga bene, wa odi pa dano mapol owang calo adwogi me mato taa. Man timme ka lamat taa obolo odul taa ma nongo pe oneko mac ki iye, adwogine bedo rac mada. Labolle, bunga, lee tim ki jami pa dano mapol owang woko calo adwogi me mato taa ikin dano. Pe meno keken, pol kare waneno dok bene wakwano i gajeti akwana pi balle pa jami biacara wa ki cuk ma owang calo adwogi me bolo odul taa ata ki mac iye.

Mato taa idye lwak balo yamo ki kabedo ma orumuwa. Man timme ka kimato taa ata pien kelo adwogi marac ikom lwak ma i kabedo ma orumuwa. Pi man miri myero gukati ki cik matek ikom jo ma mato taa i dye lwak, kit ma adwogine rac kato ber-ne woko-ni.

Lapeny:

Pol dano pud gimato taa ikin pacci kadi bed ni cik pe yee igi me matone ata. Ma calo ngat matye ki ngec ikom rac pa mato taa, coo nyig lok ma romo **100** ikom rac pa tim man, kun itiyoo ki coc ma maloni.

DUL C
TEKWARO

3. *Dul man tye ki lapeny aryo. Gam lapeny acel keken.*

(a) *Kwan coc ma pinynyi ci igam maber lapeny ma lubu.*

Dako pa omeru onywalo lutino rudi. Omeru mito cakko nying lutino magi ma lubbe ki cik me tekwaro Acoli ento en pe ngeyo kit ma kwer man kitimo kwede pien en odongo bot nerune ma kakane ki tekwarone pat.

Lapeny:

Tit ki omeruni kore ki kore kit ma nying lutino rudi kicako kwede dok kit ma kikwerogi kwede i tekwaro Acoli.

ONYO

(b) *Kwan coc ma pinynyi ci igam maber lapeny ma lubu.*

Cabit aryo ma okato anged laremi olimi i pacowu ci orwatte ki kwer tekwaro me matto oput ma onongo pud otimme atima, pien onongo cing nero ocer woko ikom dakone ma okelo too pa dako meno. Jo pa dako gubino i gang meno ka guyako lee me paco, guwango bene odi ki jami mapol oballe. Lok man oo i ker kal kwaro ma omiyo kiculu kwor pa dako man inge kare manok. Ki man, rwot moo omiyo tam ni myero kakki aryoni gumat oput ikingi wek odwok wat cen.

Lapeny:

Tit ki laremi man kore ki kore kit ma mato oput ki timo kwede.